

**BOSNA I HERCEGOVINA**  
**Federacija Bosne i Hercegovine**  
**Tuzlanski kanton**  
**GRAD TUZLA**  
**Tuzla, 21.07.2022. godine**

Na osnovu člana 74. Zakona o državnoj službi u Tuzlanskom kantonu („Službene novine TK”, broj: 7/17, 10/17, 10/18, 14/18, 8/21 i 10/22) i Odluke o pokretanju postupka popunjavanja upražnjenih radnih mjesta namještenika u organu državne službe putem javnog oglasa, broj: 02/30-A-11819-2022 od 13.06.2022, godine Grad Tuzla objavljuje

## **JAVNI OGLAS**

**za prijem namještenika u radni odnos na neodređeno vrijeme u Službu civilne zaštite**

### **NAZIV RADNOG MJESTA:**

**Vatrogasac - vozač** u Službi civilne zaštite (broj pozicije po Pravilniku 10.2.10.) - 3 (tri) izvršioca,

### **OPIS POSLOVA RADNOG MJESTA I STATUS**

#### **Pozicija 1: Vatrogasac – vozač**

a) Opis poslova:

- upravlja i rukuje vatrogasnim vozilima, vatrogasnim pumpama i ostalom vatrogasnom opremom,
  - učestvuje u gašenju požara i spašavanju ljudi i imovine,
  - stara se o održavanju vatrogasnih vozila i opreme,
  - samostalno otklanja manje kvarove na vozilu, vrši pranje, podmazivanje i čišćenje vozila,
  - odgovoran je za sastavne dijelove koji pripadaju vozilu kao i da isto uvijek bude obezbijeđeno sredstvima za gašenje požara,
  - odgovara za upotrebu lične zaštitne opreme na intervenciji,
  - odgovara za provođenje pravila službe i odluke o unutrašnjem redu,
  - odgovara za uredno i blagovremeno vođenje evidencije o vatrogasnim vozilima,
  - rukuje vatrogasnim uređajima na vozilu prilikom intervencija spašavanja i gašenja,
  - utvrđuje stanje opreme i isto prijavljuje neposrednom rukovodiocu,
  - obavlja poslove u objektima vatrogasne jedinice vezane za kvalifikaciju stečenu u građanstvu,
  - putem teoretsko-praktične nastave stručno se usavršava,
  - radi u mehaničarskoj radionici i servisu na održavanju vozila i opreme,
  - obavlja dužnosti dežurnog u objektima vatrogasne čete i van nje,
  - dužan je povjerene poslove obavljati u skladu sa zakonom, drugim propisima, općim aktima i pravilima struke;
- obavlja i druge poslove po nalogu neposrednog rukovodioca;

### **OPĆI USLOVI ZA OBAVLJANJE POSLOVA RADNOG MJESTA:**

Opći uslovi utvrđeni su odredbama člana 76. Zakona o državnoj službi u Tuzlanskom kantonu:

- da je državljanin Bosne i Hercegovine,
- da je stariji od 18 godina,
- da je zdravstveno sposoban za obavljanje poslova utvrđenih za to radno mjesto,
- da ima vrstu i stepen školske spreme potrebnu za obavljanje poslova radnog mjesta prema pravilniku o unutrašnjoj organizaciji,
- da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Bosni i Hercegovini,
- da nije obuhvaćen odredbom člana IX. 1. Ustava Bosne i Hercegovine.

**POSEBNI USLOVI UTVRĐENI PRAVILNIKOM O UNUTRAŠNJOJ ORGANIZACIJI GRADSKIH ORGANA UPRAVE I STRUČNIH SLUŽBI GRADA TUZLE:**

**Pozicija 1: Vatrogasac - vozač**

- SSS ili KV radnik, IV ili III stepen školske spreme saobraćajne struke,
- položen stručni ispit,
- položen ispit za profesionalnog vatrogasca,
- položen vozački ispit C kategorije,
- najmanje 6 mjeseci radnog staža u struci nakon završene stručne spreme,

**OSIM NAVEDENIH OPĆIH I POSEBNIH USLOVA KANDIDAT KOJI SE PRIJAVLJUJE NA JAVNI OGLAS TREBA ISPUNJAVATI I POSEBNE USLOVE PROPISANE ZAKONOM O ZAŠTITI OD POŽARA I VATROGASTVU ("SLUŽBENE NOVINE FBiH", BROJ: 64/09) I TO:**

- da je psihofizički i zdravstveno sposoban za vršenje poslova vatrogasca - vozača, član 105. Zakona o zaštiti od požara i vatrogastvu ("Službene novine FBiH", broj: 64/09),
- da se protiv njega ne vodi krivični postupak, te da nije osuđivan za krivično djelo protiv života i krivično djelo protiv imovine, član 105. Zakona o zaštiti od požara i vatrogastvu ("Službene novine FBiH", broj: 64/09).

**SPISAK POTREBNIH DOKUMENATA (ORIGINAL ILI OVJERENA KOPIJA):**

- **potpisana** prijava na javni oglas sa kratkom biografijom i kontakt-podacima (**adresa i broj telefona**),
- izvod iz matične knjige rođenih,
- uvjerenje o državljanstvu Bosne i Hercegovine (**ne starije od šest mjeseci**),
- ovjerena izjava da kandidat u posljednje dvije godine od dana objavljivanja javnog oglasa nije otpušten iz državne službe kao rezultat disciplinske kazne na bilo kojem nivou vlasti u Bosni i Hercegovini,
- ovjerena izjava da kandidat nije obuhvaćen odredbom člana IX.1. Ustava Bosne i Hercegovine,
- svjedodžba o završenoj traženoj stručnoj spremi,
- dokaz - uvjerenje o položenom stručnom ispitu,
- dokaz – uvjerenje o položenom ispitu za profesionalnog vatrogasca,
- ovjerena fotokopija vozačke dozvole C kategorije,
- potvrda o radnom stažu u struci nakon završene stručne spreme.
- ovjerena izjava da se protiv kandidata ne vodi krivični postupak, te da kandidat nije osuđivan za krivično djelo protiv života i krivično djelo protiv imovine - u skladu sa članom 105. Zakona o zaštiti od požara i vatrogastvu ("Službene novine FBiH", broj: 64/09).

## **NAPOMENA:**

Odredbama člana 81. stav (4) Zakona o državnoj službi u Tuzlanskom kantonu („Službene novine TK”, broj: 7/17, 10/17, 10/18, 14/18, 8/21 i 10/22) propisano je da lica sa srednjom školskom spremom koja za vrijeme procedure za prijem u radni odnos u organ državne službe imaju navršen radni ili pripravnički staž u trajanju od šest, odnosno devet mjeseci od dana sticanja više školske spreme, a nisu položila stručni ispit, mogu se primiti u radni odnos, ali su dužna položiti stručni ispit najkasnije u roku od šest mjeseci od dana prijema u radni odnos u organ državne službe.

Odredbama člana 106. stav (2) tačka 1) Zakona o zaštiti od požara i vatrogastvu („Službene novine FBiH”, broj: 64/09) propisano je da profesionalni vatrogasci polažu ispit za profesionalnog vatrogasca u roku od godinu dana od dana prijema u radni odnos.

U vezi sa citiranim odredbama zakona kandidatu koji bude izabran, ukoliko nema položen stručni i/ili ispit za profesionalnog vatrogasca rješenjem će se utvrditi obaveza da u zakonom propisanom roku položi navedeni ispit.

Sa kandidatima koji budu ispunjavali uslove javnog oglasa obaviti će se razgovor.

**Izabrani kandidati dužni su prije stupanja na rad dostaviti ljekarsko uvjerenje o zdravstvenoj i psihofizičkoj sposobnosti za obavljanje poslova radnog mjesta Vatrogasac - vozač.**

## **ROK TRAJANJA JAVNOG OGLASA I ADRESA ZA PODNOŠENJE PRIJAVA:**

Javni oglas ostaje otvoren 15 (petnaest) dana od dana objavljivanja (21.07.2022.godine) u dnevnom listu „Večernji list BH“.

**Prijave sa dokazima o ispunjavanju uslova javnog oglasa kandidati mogu dostaviti neposredno putem glavne pisarnice Grada Tuzle (Centar za pružanje usluga građanima) ili putem pošte preporučenom pošiljkom, s tim da se u oba slučaja podnosi u zatvorenoj koverti na kojoj je ispisana adresa:**

**GRAD TUZLA  
Stručna služba za poslove gradonačelnika  
ZAVNOBIH-a 11  
75000 TUZLA**

**sa naznakom:**

**“Prijava na JAVNI OGLAS za prijem namještenika u radni odnos na neodređeno vrijeme u Službu civilne zaštite (navesti radno mjesto na koje se prijavljuje), broj: 02-30-A-11819-2022 - ne otvaraj”**

**NEPOTPUNE, NEUREDNE I NEBLAGOVREMENE PRIJAVE NEĆE BITI UZETE U RAZMATRANJE!**